

回向  
餞神 化財

道門科範大全集卷之五十八

道門科範大全集卷之五十九

廣成先生杜光庭制定

北斗延生醮說戒儀

法事陞壇如式

念淨天地呪 灑水 存立

高功臨案

具位臣某等謹焚道德真香爰誠奏啓

三清上帝十極高真神霄九宸列御帝君上

清日宮太陽帝君月府太陰皇君南斗六司

延壽星君北斗九皇解厄星君東西中三斗

星君三台華蓋星君銀河二十八宿星君天

元人元福祿星君天司主照某本命元辰星

君當生行年一切星眾三官大帝考校罪福

聖眾北極四聖導從仙官靈寶教主五師真

君秦玄都省上相真君太極仙翁沖應孚佑

真君九州都仙神功妙濟真君念書三省上

相真君王堂演教侍宸仙眾三界十方一切

真宰咸望洪慈俯垂洞鑒臣今奉為宣意其

諸情悃已對教宣諒沐

天恩鑒明祀事臣伏聞夫建齋之始先受修

真之戒以檢察身心感格天地今日道場乃

是弟子某建生本命上屬北斗某星君下降

之日北斗七星在太微之北為人君之象為

號令之主斟酌元氣臨制四方以建四時以

均五行運天地之中而人稟之以為命第一

曰陽明貪狼太星君子生人屬之第二曰陰

精巨門元星君丑亥生人屬之第三曰真人

祿存真星君寅戌生人屬之第四曰玄冥文曲

紐星君卯酉生人屬之第五曰丹元廉貞剛

星君辰申生人屬之第六曰北極武曲紀星

君巳未生人屬之第七曰天關破軍關星君

午生人屬之一主天二主地三主火四主水

五主土六主木七主金一主秦二主楚三主

梁四主吳五主燕六主趙七主齊一主陽德

二主陰刑三主中禍四主征伐五主殺戮六

主五穀七主兵戈自一至四為魁魁為璇璣

自五至七為杓杓為玉衡凡人之生福祿壽

命與夫眷屬奴婢皆斗中主之按

太上老君言凡人性命五體悉屬本命星官

之所主掌本命神將本宿星官常垂陰祐主

之

持人命使係天年夫本命真聖每歲六度降在人間降日爲本命限期可以種種香花時新五果法天像地請正一道士或於宮觀或在家庭修齋設醮啓祝

北斗三官五帝九府四司薦福消災奏章懇願隨力建功請行法事功德深重不可具陳其有本命限期將至自身不知不設醮筵不修香火不能投告北斗醮謝真君及轉真經認本命真君名號此爲輕生迷本不媿人身天司奪祿減算除年致多天喪身謝之後淪沒三塗漂諸六趣深可悲哀自致斯苦今日設醮弟子共伏念本命之日稟氣受形之始化生之本道家大洞帝一之法皆以本命之日行持練神結氣保命生真誦度人之法亦以本命之日行持魂神澄正萬炁長存則知本命之根本不可虛過今日道場衆等當知天命至重不可輕構衆等雖佩至真參修大法處身五濁滌迹六塵啓奏之間不無窒礙先當澄神靜慮仰奉戒約清靜身心上遵法訓

天尊言修齋行道皆當一心請奉十戒諦受勿忘專精默念動息自然勿懷雜想擾亂形神能如是者咸當諦聽

第一戒者不得傲忽聖真常懷恭敬仰對尊像真應化身起精虔供養無闕天真大神淨空而來專懷注想必獲降接

第二戒者不得輕慢經文常懷信重三洞大乘開導愚迷能發衆生無量道意傳寫讀誦一心玩味從迷起悟從悟成真必證道果

第三戒者不得誹謗法門常懷愛護教化衆生令各歸依廣復受度紹隆正教洪道明法濟度存亡助國化人功垂永劫

第四戒者不得觸穢道場常懷精潔香湯沐浴始近玄壇不得以竈火焚香穢柴造食燈燭器皿無滌脂垢食噉葷肉無來取禍婦人天癸未絕者不得升階身有臭穢不在呼使雞犬及一切禽畜不得相近

第五戒者不得放縱身心常懷畏謹不得臨壇高聲呼罵叱喝及對聖像語笑輕忽及貪睡眠非時飲酒華色過前不得角眼斜視鞠躬小心如對君父

第六戒者不得爭競財利常懷廉遜施者受者勿諂勿怨令各懽喜廣建功德祿力溥霑塵沙世界

第七戒者不得減省法事常懷勤恪行道誦經燒香禮懺使功德滿足十極高真盡得見聞究債永消橫魔不佞人天獲果幽顯蒙恩使世間蠢動一切含識永入法門不沉苦趣

第八戒者不得退轉道心常懷堅固勿因小嫌便減誠意發增上願精進崇奉天真惟悅列名上清九祖超昇己身證道見存眷屬福田无量

第九戒者不得錯誤章奏常懷審訂大緣難遇大善難成若鹵莽減裂不加參對則三天門下有所違却志願不伸事屬徒勞福力未沾先獲咎戾深可震懼

第十戒者不得擾亂形神常懷專一喜怒哀樂不萌於心務致清明盡其在已廣發大

願奉道修真願先得道者次第開度

已上十戒眾等能持否

天尊言修齋行道四天王與諸天真皆駕飛雲絳軒八景玉輿侍從玉女手執花幡前導後從獅子白鶴嘯歌嘒嘒燒香散花浮空而來瞻禮行道觀聽法音當先授十戒然後行道衷心靜默專想不二過中不味內外清虛諸天監觀萬靈侍衛不得自慢以招禍災進退雍容不離儀格天真懽悅列名上清

奉戒回向

道門科範大全集卷之五十九

道門科範大全集卷之六十六十二同卷 啓七

廣成先生杜光庭制定

北斗延生道場儀

啓壇行道

陞壇法事如式

各禮師存念如法

宣衛靈呪

五星列照 煥明五方 水星却災 木德致昌 熒惑消禍 太白辟兵 鎮星四據 家國利亨 名利玉簡 字錄帝房 乘駃散景 飛騰太空 出入冥無 遊宴十方 五雲浮蓋 招神攝風 役使萬靈 上衛仙翁 和與道合真

鳴法鼓二十四通

無上三天玄元始三炁太上道君太上老君 召出巨身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓闕啓玄壇土地方域神真巨令靜夜行道謹奏為入意其諸情悃已錄告聞願得太上十方至真道炁靈寶瑞光下降流

入巨身中令巨所啓速達徑御

太上無極大道

昊天玉皇上帝御前

請稱法位

具位巨某等謹同誠上啓

虛无自然元始天尊太上大道尹太上老君 昊天玉皇上帝九皇上真十方已得道大聖 衆至真諸君丈人三十六部尊經玄中大法 師圓穹玄象日月星辰北斗尊帝七元輔弼 星君南極大帝丈人司馬六司星君本命元 辰洞天海嶽三界官屬一切真靈巨等以今 奉為弟子某伏值本命所屬北斗某星君下 降之辰預夜就某處建立華壇修設延生注 祿靈寶清醮一壇命巨等以今日時宣行 齋法薦福消災奏章懇願增延福壽濟度存 亡巨竊以弟子某身在塵寰命由天府若不 離謝真君及轉經行道則天曹命曆無由添 算陰司罪簿無由落名巨等見在懇切專誠 理宜闢奏伏乞 天恩蕩宥赦除弟子某億劫以來至于今日